

353 حیات

میانہ رانما میانہ... رہنمایہ راہا جیو حیات فانیلم!...

ادارہ مرکزی :

آنقرہ دہ ، استانبول چادہ سندہ آنقرہ
معارف امینلکی پانندہ کی دائرہ

استانبول پوروسی :

استانبول دہ ، باب عالی چادہ سندہ رسیل پرشہ
ادارہ خانہ سی داخندہ کی دائرہ
تلفون : ۳۶۰۷

نسخہ سی ہربرہ ۱۰ غرورہ

سنہ لکی پوسہ ایلہ ہ لرا ،
(اجنبی مملکتلر ایچین ہ دولار)

ایونہ واعلان ایشلری ایچین استانبول پوروسی
مراجعت ایدیلر
یازی ایشلرلک مرجعی آنقرہ مرکزیدر

۱ نجی جلد

آنقرہ ، ۲۳ کانون اول ، ۱۹۲۶

صانی : ۴

مصابہ

انقلاب و حیات حقندہ تلقی

دوماژہ وسکینک « انسان و مدنیت حقندہ نظریہ » اسمندہ برکتانی وار . بورادہ مؤلف حیوان ایلہ انسانی مقایسہ ایدہ رکن شویاہ دیر : « حیوان بردفعہ ، انسان ایسہ ایکی دفعہ دوغار . آنہ و بابا یاوروسی دنیاہ کتیردکن صوکرہ بر دفعہ دہ جمعیت اونی تشکیل ایلہر . » اگر استقلال حربی و انقلاب ایچندہ پشہن نسلہ بونی تطبیق ایلہمک لازم کلیرسہ بوکونکی تورک منور زمرہ سنک اوج دفعہ دوغدیغنی قبول ایلہمک لازم کلیر . چونکہ ظفردن و انقلابدن اولکی تورک وطنداشتنک ایناندیغنی ، قیمت ویردیکی فکر و مؤسسہ لرلہ بوکونکی قناعتلری آراسندہ چوق فرق واردر . دینہ بیلیرکہ استقلال حربی و انقلاب ، تورک روحنی عادتا یکی باشند تشکیل ایلہمشدر .

صوک انقلاب ایچندہ اولغونلاشان تورک نسلہ باقیکز ، بونلر دہا اول ایناندقلرینی بیراقشدر ، اولجہ لزومہ قانع اولمادقلری مؤسسہ لر قارشیسندہ لاقیدیانہ اوموز سیلکوب کچرکن بوکون اونلرک وجودینہ تحمل ایدہ مز بر حالہ کلشدر ، دون سادہ جہ آغر ویا چوق شعورلی اولارق حسرتی سزدکلری « مفکورہ بی » بوکون اوغرینہ جان ویرہ جک بر حقیقت اولارق قبول ایلہمشلردر . بوندن بش سنہ اول مدرسہ نک

حیات تلقیلری آراسندہ کی فرق تحلیل ایلہمک کافیدر : اسکی نسلک دیندار وزاهد دہ نیلن بر قسمنہ کورہ ، شویاشادیغمز حقیقی حیاتک ہیچ بر قیمتی بوقدی ، بو حیات اصل اخروی سعادتی استحصال ایچون برواسطہ دن عبارتدی . دنیاہ کچیردی کمز عمرک آخرتدہ کی سعادتی تأمین ایتمک یارامقدن باشقہ بر خدمتی اولامازدی . بویلہ بر اعتقاد بالطبع دنیوی حیاتمک قوتی غائب ایندیریر . یاشامق ، قابل اولدینی قادر قوتلی یاشامق ، املنی قیرار . شدید فعالیت ، زنکین ، پارلاق بر حیات املنی اویشدیریر . مکینجہ توکل ، غایت ابتدائی طرزہ قناعتکارلق ، ہر شئی قضا و قدرہ عطف ... ہب حیات حقندہ کی بو تلقینک نتیجہ سیدر . غریبدرکہ بوندن بش سنہ اولہ وارنجیہ قادر بعضیلری طادی توکلی قدرجیلکی قیرمق ایچون تورلو تورلو تاویلرہ کیریشمشلر ، سعادتک حقیقی مفکورہ نک آخرتدہ اولماسی اعتقادینی تکذیب ایتمکسزین فردلرک دنیوی حیاتیہ قوت آشیلامغہ جالیشمشلردر . حالبوکہ بونک امکانی اولامازدی : یاسعادتی ایستہ کلریمزی شویاشادیغمز حیاتیہ آرایاجقدق اووقت البتہ توکلک ، قدرجیلکک معناسی قالمایا . جقدی ، یاخود حقیقی سعادتی بو عالمک خارجندہ کورہ جکدک ، او وقت شوفانی عمری استحقار ایلیہ جک ، اونی برواسطہ دن عبارت کورہ جک نہ بولورسہق اونکلا اکتفا ایلیہ جکدک . « حقیقی حیات » لک قیمتی حقندہ قناعتمز دیکشمکجہ ہر نوع ترقیہ مانع اولدینی ہر کسجہ کورولن سچیہ لردن قوروتولامازدق .

اوکندن کچن برمنورا کثریا اوکلا قیدانہ باقاردی بوکون برچوق تورک کنجک مقتلی اولان بویلہ بر مؤسسہ نک رؤیاسی کورمک بیلہ تحمل ایدہمہ . یورز . دون « جمہوریت » ک سادہ جہ تحسرنی حس ایدہ بیلیردک ، بوکون ہرشی بہاسنہ اونی محافظہ یہ عہد ایتمشدر . دونکی منور ایچون سادہ جہ کندی نقطہ نظرینہ کورہ « دوغرو دوشونمک » کافی ایدی ، ایی دوشوندیکنہ ایناندیغمز فردلرہ « کامل انسان » دہیہ بیلیردق . بوکون یالکز ایی دوشونہ دکل ، دوشوندیکنی اجرایہ قادر اولان ، برشی یاراتا بیلہن ، دیکرلرینہ وطبیعتہ مؤثر اولانلرہ ، ایی وخیرلی وطنداشت ، کامل بر فرد ، دہیہ بیلیرورز .

بوتون بو نشانلر بزمہ کوستریورکہ یاقین بر ماضیہ نظر آ قیمت ویردی کمز حکملر دیکشمشدر . ذاتاً بر تحولہ « اجتماعی بر انقلاب » دہیہ بیلیمک ایچون اول امردہ جمعیت ، ماضیدن آیریش اولمالی ، یعنی دہا اول وجدانلردہ بر طوتان فکر و مؤسسہ لردن بر قسمی قیمتی غائب ایتمش بولونمالی ؛ دیکر جہتدن یکی قیمت حکملری ، یکیدن اینانیلان فکرلر ... روحلری صارمالیدر . استقلال حربی ایستہ بویلہ حقیقی بر انقلابی دوغورمشدر ، اولجہ اینانیلان بر طاقم فکرلر بوکون قورو برر موہومہ حالہ کلش ، بوکا مقابل بوکون ایناندیغمز ، حصولی ایستہ . دیکمز یکی مفکورہ لر دوغمشدر .

انقلابمک تولید ایندیکی بو تحولک حقیقی معناسی کلا یابیلیمک ایچون عثمانلی ایمپراطورلنک صوک دورلرندہ مختلف زمرہ لرلہ بوکونکی نسلک

علم حرکتی

فرانسه ده نشر ایدیلن

صوك عمومى تاريخلر مناسبتيله

اوروباده شو صوك زمانلرده «عمومى تاريخ» ه عائد بويوك بر فعاليت باشلادی . بوجنس نشرياتده انگليزلره و آلمانلره نسبتله چوق كرى اولان فرانسه ده بيله . حرب عمومينك ختامندن برى ، مختلف عالم زمهرلرى طرفندن آبرى آبرى پلانلرله يازيلقده اولان مختلف «تاريخ عمومى» لره تصادف ايدىيورز : «هانرى بهر» ك رياستى آلتنده و «بشريتك تكامل» ناميله چيقمقده اولان معظم سلسله باشده اولدينى حالده ، «لوتى هالفن» و «فيلپ سانيق» ك اداره سى آلتنده «ملترومدنيتلر» كليائى ، «قاوه نياق» ك اداره سى آلتنده «جهان تاريخى» ، «غلوچ» ك نظارتى آلتنده چيقمقه باشلايان ديكر بر كليائى ، «لاروس» ك كتابخانه سنك داهازياده عمومه مخصوص برماهيتده چيقاردىنى اوچ جلدك «جهان تاريخى» ، حتى مشهور «وهلس» ك فرانسه زجه يده ترجمه اولونان بر جلدك عمومى تاريخى

مختلف ساحه لرده اختصاصلريله طائينمش مختلف عالمك اشتراك مساعيسيله چيقاريلقده اولان بو مختلف سلسله لك هبسى ده ، جهان تاريخى حقنده بربرندن فرقل طرز تلقيله كوره وجوده كتيريلمكده در . مثلاً «تاريخى تركيب مجموعه سى» ناميله اپى زماندن برى مهم بر مجموعه نشر ايدىن و بالخاصه «تاريخده تركيب» ناميله نشر ايتديكى اثرى ايله - لهنده و عليهنده - برچوق كورولتولره سببت و برهن «هانرى بهر» ك «بشريتك تكامل» عنوانى سلسله سى ، طرز تربى و اوكا سائق اولان تلقيلر اعتباريله ديكر تاريخلردن چوق فرقليدر . ياكز اقوام قديمه و يونان - روما قسى (۲۶) آبرى آبرى جلددن تركب ايدىن بو كليائك بوتون محررلى آراسنده بر «آهنك وانسجام» اولدينى ادعا ايديله مزسه ده ، «عمومى پلان» اعتباريله «هانرى بهر» ك فكرلى حاكمدر ، و بونكله ديكر كليائلر آراسنده بويوك فرقلر واردر . كذاك «قاوه نياق» ك ۱۳ جلدك كليائى ده باشقا بر غايه و پلان كوزه تيله رك وجوده كتيريليور : جهان تاريخى حقنده كي تدقيقاتك صوك نتيجه لرىنى يوكسك تحصيل كورهن طلبه يه و منور زمهره يه بيلديرمك مقصديله ، جهان تاريخى اوروبا تاريخنه و ادوار ماضيه تاريخى ده يقين دورلر تاريخنه كوره نظر اعتباره آلتق اوزره وجوده كلن بو كليائى ، البته ديكرندن چوق فرقليدر . «لوتى هالفن» ك «قوملر ومدنيتلر» سلسله سى ساده جه يكرمى جلددن مركب اولاجقدر ، بو سلسله يى ترتيب لهنه نلرده ، جهان تاريخى مختلف مدنيتلر بربريله

تورك منورلرينه مى قدرته واونك بر جزئى اولان كندى قونه ايمانى وحياتك غايه سنى بونده آرامنى اوكره تدى . بوقناعت اسكيدن وجدانلرك اينانلر بيلديكى عقيده لرى صارصدى . يكي قيمتلى ، يكي اخلاقى تلقيلر دوغدى .

دقتله باقاجق اولورسه ق بوكونكى نسل ، اسكى منورلرك قبول ايتديكى 'مفهوملرى قوللانيركن بيله اوكا باشقه بر معنا عطف ايله يور . مثلاً تنظيماتدن برى مملكتده بر زمهره واردر كه «غربچيلكى» ، غرب مدنيتنى «برمفكوره بيلير . فقط بونلر آنجق بومدينيتى ساده جه سومك نهايت تقليد ايدى بيلمك قوتى كنديلرنده كورورلردى . بوكونكى نسلده غربچيدر . فقط بز بومدينيتى مملكتمزده ياراتمق قدرتى كورويورز ، حتى دها ايلرى به كيده رك بومدينيتك سيرنده اوك صفده بولونمق اقتدارىنى حس ايدىيورز . مدنى روشده انسانيتك يوكسك برعضوى اولمق ايسته . يورز . بوكونكى بودويغولريمز ، بومفكوره لريمز دونكى «غربچى منورزمهره» ايچون برموهومه دكليدى ؟

بوتون بونلر حيات حقنده كي تلقيمزك ، بناء عليه قيمت حكملرينك ، اخلاقى ايمانلرك بوسبوتون دكيشديكى كوسته رمكه كافيدر . شو حالده بوكونكى متفكرلره ترتيب ايدىن وظيفه استقلال حربنك و انقلابك بزه اوكره تدى كي بوحيات تلقيسى و اوكا مربوط اولان قيمت حكملرىنى شعورلى برشكه صوقق ، بزىن صوكراكى نسله تلقين ايدى بيلمكدر .

دارالفنونمرك ك مهم ايشى مى جمعيتمرك بنيه سنده كي بوعظيم تحولى مشاهده ايتمك ، مستحانه حالنده قالان عقيده لرى و بوكونك وجدانلرىنى تطين ايدىمك يكي قيمتلى ، يكي ايمانلرى واضح برحاله صوقق دكليدر ؟

محمد امين



واقعا بو دورده بر منور زمهره واردى كه شو عرك بوتون محصله سنك ، جزا و مكافاتنك آخرتده كوروله جكنه اينانمايوردى . آنجق بونلركده (حيات) حقنده مثبت و معين بر قناعتلى يوقدى ، نه ايچون ياشايوردق ؟ سؤاله مثبت بر جواب و برمش دكلردى . شو عمر آخرت ايچون برواسطه دكله غايه يى دنيا ده آرامق و ياراتمق لازم كلير . حالبوكه تماماً ضعيف روحلى اولان بوزمهره كنديلرنده يكي برمفكوره يى تحقق ايتديره جك هيچ بر قدرت كورمه يور . لردى . دها دوغروسى بونلر برجهتدن اخروى سعادته اينانماقيله برابرديكر طرفدن فردى حياتى واونك تماماً مربوط اولدينى مى حياتى قوتلنديره جك قدرتى ده حس ايدىمك يورلردى .

برچوق تهلكه لر قارشينده مى حياتى قورومق ايچون مجادله به كيريشن بوكونكى نسلك موفق اولاييلمك ايچون هرشيدن اول كندى قدرته ، ملتك نا محدود حياتى قوته اينانماسى لازمدى ، اطرافى صاران دشمنلر اوكا ياشامق ايچون شديد وقوتلى برحياته صاحب اولمق ، بالخاصه مى قدرته اينانمق لزومنى اوكره تدى . ياشامق ايچون مجادله ايتدكه نفسنه و بونلكنى وجوده كترهن مى جمعيته ايمانى آرتدى . مجادله الميدر ، صيقتيليدر . فقط انسان آنجق جدال ايچنده پشهر ، حياتك قيمتى آنجق جدال ايچنده آكلار . بر فيلسوف ايلك اول رونه سانسك نه ايچون ايتاليا ده دوغمش اولدينى تحليل ايدر كن مهم برسب اولارقده شونلرى سويله يور : «اوزمانده كي ايتاليا پارچه پارچه حكومتلردن متشكلدى ، بو حكومتلرك هيچ برينك قوتى يوقدى ، كيم قوتلى ايسه بيكلرجه خلق اونك حاكمنى الته كچيور ييوردي . بو حال ايتاليا ده حيات ، قوته ايمانى آرتيردى . كليساء انسانلنى ساده جه خرستيان جماعتى ايچنده معين عقيده لره صاحب اولقده كورور كن بودورك ايتاليان نسلى انسانلغنى حيات و قدرتى اولمغه ايمانده بولديلر . بو صورتله رونه سانس دوغدى ، طبيقى بونك كي اوزون والمى بر مجادله بوكونكى

مناسبتلری و رابطه لری نقطه نظرندن یعنی عمومی تکامل مدنی کوسترمک اوزره وجوده کتیرمک ایستورلر ؛ و بومقصدله ، شیمدی به قدر - یالکز آوروپا تاریخی نقطه نظرندن - تأسس ایتش برطاقم عنعنه لری قیریورلر : اسلام تاریخنه و بالقان قوملرینک اسکی تاریخنه ، سوکرا تاریخ علومه اسکینندن داها فضله اهمیت ویرمک ایستورلر . اوروپا خارجنده کی ملتارک تاریخنه اسکینندن داها فضله بر موقع ویرمک تمایلی ، «قاوه نیاق» ک نشر ایتدیکی سلسله دده پک بارزدر .

اوله کورونیورکه شیمدی به قدر جهان تاریخی - بالخاصه اوروپا خارجنده کی ملتارک و مدنیترکده حقلرینی ویرمک اوزره - ترکیبی بر کوزله کورمه به اهمیت ویرمه یں فرانسزلرده ، جهان حربنک فکرلرده تولید ایتدیکی بویوک انقلابلرک تأثیرله ، بو احتیاجی حس ایستورلر . وایسته بو اثرلر و بو اثرلرده کوردیکمز بعض یکی تلقیلر ، صرف بو احتیاجک بر محصولدر . لکن « نظریه » ایله اونک « تطبیقات » ی آراسنده موقیت نسبتی عجبا نه درجه ده اولاجق ؟ شیمدی به قدر یالکز اوروپا تاریخی جهان تاریخی عدایده ن و آسیا ملتارینک تاریخنه جوق تالی برماهیت عطف ایله یں غرب مورخلری ، اوزون اعتیادلرک تقویه ایتدیکی اسکی « عنعنوی کوروش » لردن نه درجه به قدر قورتولایله جکار ؟ ایتشه آغیر بر سؤال که ، بونک تام جوانی آنجاق بوسلسله لرک اکیال نشرندن سوکرا ویرمه یله جکز . یالکز ، نشر ایدیلن بعض جلدلرده تورک و اسلام تاریخی حقنده بعض مبحثلره تصادف ایدیلورکه ، بونلرک شویله عمومی طرزده کوزدن کچیریله سی بیله ، انسانه شیمیدن اوخصوص حقنده آرزوق بر فکر اعطا ایده بیلور .

بورده دارالفنون مدرسلرندن اولان موسیو « لوئی هالفن » ، « ملتار و مدنیتر » سلسله سنک بشنجیسی اولارق « باربارلر » نامی آلتنده مهم برجله نشر ایتدی [فلیقس آلفان کتابخانه سی ، ۱۹۲۶ ، ۳۹۳ صحیفه] . دردنجی عصردن اون برنجی عصرده کی تورک فتوحاته قدر یدی عصرلق بر زمانی احتوا ایده ن بو جلد ، جهان تاریخنک بومهم دوره سی بویوک بر وضوح ایله خلاصه ایتکده در . بو موضوعک جدی بر متخصصی اولان مؤلف ، کتابنک اون برنجی بابنده سلجوقلرک آناتولیده یرلشمه سنی انتاج ایده ن تورک استیلا سدن بحث ایدیلور . منبعلرینی صایارکن ، « له تون قاهون » ک « آسیا تاریخنه مدخل » نی قاریشق ورمه مانیک بر اثر اولق اوزره جوق ای توصیف ایتدیکی حالده ، « رونه غروسه » نک [۱۹۲۱-۱۹۲۲] ده چیقان اوچ جلدلک « آسیا تاریخی » نی لزومندن فضله مدح ایتیه سی ، ایلك نظرده بر آرز غریب کورونمکده در . تالی مسئله لر حقنده کی بر جوق یا کلیشلقلرندن صرف نظر ، « رونه غروسه » نک بو کتابی ، « عمومی کوروش » اعتبارله ده ، بعض جهتلرده « له تون قاهون » دن داها آزر ومانیک دکدر ؛ بر مثال اولق اوزره اونک « موغول استیلا سی » حقنده کی نظریه سنی کوستره بیلر : « جنکیز » ی بر نوع « بان تورانیهم »

غایه سیله متحرک ظن ایتیه سی ، « له تون قاهون » ک رومانیزمندن جوق باشقا برشی میدر ؟ ایتشه بویکی جوق خطالی محدود اثرلره و سلجوقلر حقنده ده « لوران » ک [۱۰۸۱] تاریخنه قدار غربی آسیاده سلجوق تورکلری ویزانس] ادلی کتابنه مراجعت ایده ن و شرق منبعلرندن دوغروندن دوغرویه استفاده و سائطنه مالک بولونمایان مؤلف ، مع الاسف سلجوقلر واونلرک آناتولی استیلا سی حقنده ، نک ابتدائی وسطحی معلومات ویرمکده و بو خصوصده اسکی عنعنوی فکرلردن آریلاما مقده در . یالکز ویزانس

سفیلرک تولومی

کزدی تورومجک کی کوزلری بوش طاوانده ، برکوشده کریش بر آغه دوشدی ، قالدی . اودایه بول روز کارک دولدینی برزمانده کوکسی هواسزلقدن دارالدجه دارالدی .

سسز اجل دوستنی قارشیلارکن برآدام ، سسری بویولته رک نقل ایدیور قیریق جام : ایتشه ، اذان نه قدار تر او قوندی بو آقشام ، کلیسه نک چانلری نه قدار خیزلی چالدی !

دیشارده فیرطنه نک شهری دوکن قیرباجی ، ایچرده باغداش قوران صوغوق زهردن آجی ... بوخسته نک کونشکن هکیمیه علاجی . اوده بوکون کیم بیلر ، زرده صفایه دالدی ؟

قولاغنک دیننده هایقیریور فیرطنه : « ایصینمق ایسته یورسه ک طوپراغی چک صبرتنکه ! » اوزاقده جان ویریرکن ایل ییرتنه ییرتنه اونی تولوم بردرین اویقو حالنده آلدی .

یانان مومی سوندوردی خسته نک صوک نفسی ، جان قوشنی باشی بوش بر اقدی تن قفسی : مسیحک معجزه سی ، تورامک فلسفه سی ، عربلرک جنتی آرتق برر ماصالدی !

فاروق نافذ

وارمنی مورخلرینک طرفکیرانه افاده لرینه اینانه رق « تنقید تاریخی » اصولرندن تماماً اوزاق دوران واولجه ایدینلشم یا کلیش فکرلر اوزرینه نظریه لر قوران « لوران » ک کتابی حقنده « تورکیات مجموعه سی » نک برنجی جلدنده کوچوک بر تنقید نشر ایتشدک ؛ آناتولیده تورک فتوحاتی ساده جه ویزانس مورخلر - ینک کوز لکریله کورهن موسیو « لوران » ه توجه ایتدی کمز تنقیدلر ، عین صورتله « لوئی هالفن » ده توجه ایدیله بیلر . اونک بوقسمده کی بر جوق خطالرینی وبالخاصه « طرز تلقی » اعتبارله اسکی عنعنه لردن آریلاما دیغنی مع الاسف بوجوچوک مقاله دائره سنه صیفدرمق

قابل اولامایه جنی ایچون ، ایلریده « تورکیات مجموعه سی » نده اوزون اوزون تشریح ایده جکز . عین مؤلفک « صلیبون زماننده آوروپا و آوروپا مدنی » عنوانی جلدی انتشار ایده جک اولورسه ، بو تنقید آمیزی داها شمولی اولارق یاغی قابل اوله جقدر . دیگر سلسله لرک شیمدیلک نشر ایدیلن جلدلرنده تورکلری علاقه دار ایدن قسملر هنوز یوقدر . یالکز « لاروس » کتابخانه سنک نشر ایتدیکی « جهان تاریخی » نده ، اسلام وبالخاصه تورک تاریخی حقنده کی قسملر ، جوق فنا و جوق ابتدائی بر شکله یازیلش در ؛ کذلک « وهلس » عمومی تاریخی ده ، اعظمی درجه ده بطرفانه یازیلق ایسته نه سنه رغماً ، سائر عمومی تاریخلر کی تورکلر حقنده - اسکی عنعنه لرک یادکاری اولارق - غایت عندی مطالعه لری محتویدر . « قاوه نیاق » سلسله سنک تورک و موغوللر قسنی ، فرانز تورکیا - تجیلرندن « ژان دونی » ایله اسلام و تورک متخصصی « لوسیه ن بووا » یازه جقلردر . بونلرک یازه جقلری مباحثک ، دیگر کلیاتلرده کندن داها دوغرو ، و عنعنوی یا کلیشلقلردن عاری اولماسی امیدونمی ایتکده یز .

تفرعانه کیرشمکیزین ساده جه عمومی خطلریله کوستردیکمز بومسئله ، ملی تاریخمک بونون جهان ایچون مجهولیتی مسئله سی ، هرمنور تورکی بر آرتفکر و انتباه دعوت ایده بیلر صانیورز . بوقاریکی تنقیداته رغماً نه « هالفن » ی ، نه « لوران » ی ، حتی نه ده « له تون قاهون » ی تخطئه ایده جک دکدر . ملی تاریخم کندیز ایچون بوقدر مجهول اولدینی حالده ، هانکی حقله اوروپا عالمی - بوتاریخی بیلده دکلری ایچون - تخطئه ایده بیلر ؟ اگر شیمدی به قدر ، سائر مدنی ، ملتار کی ، ملی تاریخمزه علاقه دار اولسه یدیق ، ماضیمک مجهول جهتلرینی تنور ایده بیلسه یدک ، علمی صلاحیتی غرب محافل علمی - سنجه ده تقدیر ایدیلش بویوک مؤرخلر و عالملر یتشدیرسه یدک ، اوروپا لیرک حقزده کی یا کلیش تلقیلری جوقدن دکیشمش اولاماییدی ؟ بر یوزنده هیچ برمدنی ملت یوقدر که کندی تاریخنه اعظمی بر علاقه کوسترمه سون . قرون وسطا ذهنیتی ، تورک ملتی شیمدی به قدر گندی تاریخنه ، کندی ملتک اک جانلی و قوتلی عناصرینه بیکانه یاشاتدی ؛ مستبد حکمدارلر ، « انقلاب » فکرینک منبئی اولان « تاریخ » ی کندیلرینه اک بویوک دشمن عدا ایده رک محوینه چالیشدیلر .

لکن بوندن سوکرا « ملت » عمده سنه و « ملی حرث » استناد ایتدیکنی هر وسیله ایله اعلان ایده ن ملی حکومتک ، مملکتده تاریخ تدقیقاتی ایچون علمی بر جریان او یاندیره جنی و تورک کنجکلکنکده بونی « ملی بروطفه » عدایده جکی پک طبیعیدر . کنجکلر مزه شو آجی حقیقی بوسیله ایله برداها سوبله مک و کندیلرینه توجه ایده ن بویوک بروطفه یی خاطر لایق ایتهرم : ملی تاریخی یا بانجیلرک کوزیله کورمه ک و اونلردن اوکره نمکه مجبور اولان بر ملت ، هنوز « معنوی قاپیتولاسیونلر » دن قورتولامش دیکدر !

کوربیلی زاده محمد فواد

استانبول دارالفنوننده تورک ادبیاتی « تاریخی » مدرسی